

CONVENIO DE COLABORACIÓN ENTRE A CONSELLERÍA DE ECONOMÍA E INDUSTRIA E O CONCELLO DE VALGA PARA A REALIZACIÓN DO PECHE DE PROTECCIÓN PERIMETRAL NO MARCO DO PROXECTO PARA A POSTA EN VALOR COMO ÁREA DE LECER DA ANTIGA MINA DE EXTRACCIÓN DE ARXILA "PORTO PIÑEIRO"

Santiago de Compostela, na data indicada na sinatura dixital (07.10.2024)

REUNIDOS:

Dona María Jesús Lorenzana Somoza, conselleira de Economía e Industria da Xunta de Galicia, nomeada polo Decreto 44/2024, do 14 de abril; no exercicio das competencias que lle atribúe o artigo 34 da Lei 1/1983, de 22 de febreiro, de normas reguladoras da Xunta e da súa Presidencia.

E doutra parte, Don José María Bello Maneiro, alcalde do Concello de Valga, nomeado no Pleno de constitución o día 17 de xuño de 2023, actuando en virtude das facultades representativas que lle atribúen o artigo 21.1 b) da Lei 7/1985, do 2 de abril, reguladora das bases do Réxime Local e o artigo 61.1 a) da Lei 5/1997, do 22 de xullo, de Administración Local de Galicia.

Ambos actúan no exercicio dos seus cargos e, na representación que ostentan, recoñécense capacidade para obrigarse nos termos deste convenio de colaboración e para o efecto

EXPOÑEN:

Primeiro.- De conformidade co artigo 103.1 da Constitución Española, a Administración Pública sirve con obxectividade os intereses xerais e actúa de acordo, entre outros, cos principios de eficacia e coordinación. Seguindo este mandato constitucional, cómpre impulsar políticas públicas de cooperación interadministrativa en especial na posta en valor dos recursos locais que teñen un impacto directo na calidade de vida das persoas e das colectividades.

Segundo.- A Lei 39/2015, do 1 de outubro, do procedemento administrativo común das Administracións Públicas, a Lei 40/2015, do 1 de outubro, de réxime xurídico do Sector Público e a Lei 5/1997, do 22 de xullo, de Administración Local de Galicia (en adiante LALGA), recollen ao longo do seu articulado o principio xeral de colaboración interadministrativa.

O actual contexto de austeridade e control do gasto público no que se desenvolve a actuación do conxunto das administracións obriga a activar mecanismos de colaboración e cooperación tendentes á xestión eficiente dos recursos dispoñibles, co

obxecto de garantir a prestación de servizos á cidadanía en condicións de calidade e igualdade.

Terceiro.- Entre as competencias que lle corresponden á Xunta de Galicia en relación coas entidades locais galegas, de acordo co disposto nos artigos 194 e 195 da LALGA, figuran as de cooperación e colaboración, que poderán materializarse, entre outras posibilidades, a través da subscrición de convenios.

Cuarto.- O artigo 48.1 da Lei 40/2015, do 1 de outubro, de réxime xurídico do Sector Público, establece que as Administracións Públicas, os seus organismos públicos e entidades de dereito público vinculados ou dependentes e as Universidades públicas, no ámbito das súas respectivas competencias, poden subscribir convenios con suxeitos de dereito público e privado, sen que iso poida supoñer cesión da titularidade da competencia, sinalando no seu apartado 3 que a subscrición de convenios deberá mellorar a eficiencia da xestión pública, facilitar a utilización conxunta de medios e servizos públicos, contribuír a realización de actividades de utilidade pública e cumprir coa lexislación de estabilidade orzamentaria e sostibilidade financeira.

Pola súa banda, o apartado 7 do mesmo artigo puntualiza que cando un convenio instrumente unha subvención deberá cumprir co previsto na Lei 38/2003, de 17 de novembro, Xeral de Subvencións, e na normativa autonómica de desenvolvemento.

Quinto.- O Decreto 140/2024, do 20 de maio, polo que se establece a estrutura orgánica da Consellería de Economía e Industria (en adiante CEI), configura esta como o departamento da Xunta de Galicia ao cal lle corresponde o exercicio das competencias e funcións nos ámbitos de promoción e dinamización da actividade mineira e do aproveitamento dos recursos minerais.

As competencias en materias de minas están atribuídas á Dirección Xeral de Planificación Enerxética e Minas e a este centro directivo correspóndelle, en particular, o fomento de plans, programas, medidas e incentivos económicos orientados ao desenvolvemento, á innovación, ao incremento da competitividade e á internacionalización do sector mineiro de Galicia.

Sexto.- Segundo dispoñen os artigos 25.1 da Lei 7/1985, do 2 de abril, reguladora das bases do réxime local e 80.1 da LALGA, os municipios, para a xestión dos seus intereses e no ámbito das súas competencias, poderán promover toda clase de actividades e prestar todos os servizos públicos que contribúan a satisfacer as necesidades e aspiracións da comunidade de veciños.

Sétimo.- Neste marco, tendo en conta a tradición local na fabricación de materiais cerámicos e na explotación de arxilas, no ano 2021 asinouse entre a Consellería de Economía, Empresa e Innovación e o Concello de Valga un convenio con obxecto de financiar a redacción do proxecto nomeado «Posta en valor como área de lecer da antiga mina de extracción de arxila "Porto Piñeiro"», necesario para levar a cabo a execución de distintas actuacións de interese público pola importancia do patrimonio

mineiro na configuración pasada e actual da paisaxe, conxugando a conservación patrimonial e a calidade paisaxística co desenvolvemento sustentable do municipio.

Entre as actuacións contempladas e proxectadas dentro do dito proxecto para a posta en valor como área de lecer da antiga mina de extracción de arxila "Porto Piñeiro", figura a de dotar de todo o seu perímetro dun peche de protección axeitado.

O Concello de Valga, continuando co seu propósito de garantir a seguridade para os veciños dentro de todas as actuacións municipais, considera indispensable e necesario a realización deste peche perimetral que dado a grande altura que presenta a mina, se estableza como un elemento de protección que evite caídas e outros inconvenientes e que represente unha seguridade para os usuarios deste futuro área de lecer.

Ao mesmo tempo e dado a ampla superficie perimetral de toda a actuación que se pretende realizar é de requisito fundamental acadar unha boa delimitación de toda a área de actuación que configurará a zona de lecer, función que tamén se acada coa realización deste peche de protección.

A tal fin, o Concello de Valga elaborou un orzamento de execución material de balizamento no entorno da lagoa de "Porto Piñeiro", cuxo importe ascende á cantidade de 366.188,60 €. Este peche perimetral levarase a cabo a base de barandillas e talanqueiras, acordes coas actuacións previstas, a morfoloxía do terreo e que non representen un impacto visual negativo na zona.

A conxuntura descrita e o obxectivo da actuación, acreditan a existencia de razóns de interese público que xustifican a colaboración por parte da Xunta de Galicia coa Administración municipal para facer posible a efectiva consecución de actuación referida.

Oitavo.- Con base en todo o anterior e co obxecto de levar a cabo a execución material do peche de protección perimetral, no marco do proxecto para a posta en valor como área de lecer da antiga mina de extracción de arxila "Porto Piñeiro", a CEI e o Concello de Valga acordan subscribir este convenio de colaboración segundo as seguintes

CLÁUSULAS

Primeira.- Obxecto e descrición das actuacións

1.- Este convenio ten como obxecto regular a colaboración entre a CEI e o Concello de Valga para a execución material dun peche de protección perimetral da antiga mina de extracción de arxila "Porto Piñeiro", no marco do proxecto para a súa posta en valor como área de lecer.

2.- As actuacións obxecto do convenio consistirán na execución material do dito peche perimetral mediante barandillas e talanqueiras. En concreto, o balizamento requirirá a realización das accións contidas na cláusula terceira deste convenio.

Segunda.- Interese público concorrente

Segundo o artigo 19.4 c) da Lei 9/2007, do 13 de xuño, de subvencións de Galicia, poderán concederse de maneira directa, con carácter excepcional, (...) aquelas outras subvencións en que se acrediten razóns de interese público, social, económico ou humanitario, ou outras debidamente xustificadas que dificulten a súa convocatoria pública.

Nos termos descritos na parte expositiva, a execución do peche perimetral no marco do proxecto para a posta en valor como área de lecer da antiga mina de extracción de arxila "Porto Piñeiro", que constitúe o obxecto deste convenio, é necesaria para acadar a finalidade de poñer en valor o dito recurso, convertendo unha zona alterada polas antigas actividades mineiras, nun espazo de recreo seguro a disposición da poboación xeral, destinándose polo tanto a un fin social como é o esparexemento turístico e a mellora ambiental, amosando a importancia do patrimonio mineiro na configuración pasada e actual da paisaxe, e conxugando a conservación patrimonial e a calidade paisaxística co desenvolvemento sustentable do municipio, revalorizando a zona e polo tanto revertendo este valor na comunidade.

Terceira.- Custo das actuacións

Para a execución das actuacións obxecto do convenio estímase o seu custo total en TRESCENTOS SESENTA E SEIS MIL CENTO OITENTA E OITO EUROS CON SESENTA CÉNTIMOS (366.188,60 €), IVE incluído, segundo as partidas e coa desagregación orzamentaria indicada a continuación:

Partida	Descrición	Uds	Prezo unitario €/ud	Importe Total €
BALIZAMENTO	Subministro e montaxe de barreira mixta simple de aceiro/madeira con postes	244 m	123,99	30.253,56
	Subministro e colocación de varanda de madeira de pino tratada en autoclave, con abrazadeiras e tornillería de aceiro galvanizado	486 m	249,98	121.490,28
	Subministro e colocación de varanda de madeira de pino tratada en autoclave, con dobre soga con alma de aceiro galvanizado	330 m	70,00	23.100,00
	Subministro e colocación de talanqueira simple de madeira de pino tratada en autoclave, con abrazadeiras e tornillería de aceiro galvanizado	519 m	83,00	43.077,00
	Poste final de talanqueira simple de formigón prefabricado con colocación de abrazadeiras, tornillería pasante e tirafondos de aceiro galvanizado	6 uds	52,98	317,88
	Conxunto de varanda de aceiro con pasamáns galvanizado en quente	94 m	314,39	29.552,66

	Total partida			247.791,38
SEGURIDADE E SAÚDE	Documentación de PRL e seguimento e vixilancia das condicións de seguridade en obra	1	2.120,00	2.120,00
	Total partida			2.120,00
	Clasificación residuos	100 m3	15,58	1.558,00
	Alugamento contedor madeira	3 uds	81,62	244,86
	Alugamento contedor plásticos	3 uds	81,62	244,86
	Alugamento contedor residuos	3 uds	81,62	244,86
XESTIÓN DE RESIDUOS	Transporte contedor de residuos non perigosos valorizables	1 ud	110,24	110,24
	Carga e transporte de residuos non inertes	10 m3	21,20	212,00
	Carga e transporte de escombros mixtos a vertedreiro	20,00 t	23,32	466,40
	Carga e transporte de terras a vertedreiro	10 m3	2,31	23,10
	Carga e transporte de escombros limpos a planta de reciclaxe	40,00 t	13,14	525,60
	Canon de vertedreiro	100 m3	7,74	774,00
	Total partida			4.403,92
	Total execución material			254.315,30
	Gastos xerais	13,00 %		33.060,99
	Beneficio industrial	6,00 %		15.258,92
	IVE	21,00 %		63.553,39
	Total execución por contrata			366.188,60

Cuarta.- Obrigas da Consellería de Economía e Industria

1.- Para o financiamento do proxecto que constitúe o obxecto deste convenio de colaboración, a Xunta de Galicia, a través da CEI, achegará, ata un máximo de DOUSCENTOS NOVENTA E DOUS MIL NOVECENTOS CINCUENTA EUROS CON OITENTA E OITO CÉNTIMOS (292.950,88 €) con cargo á aplicación orzamentaria 39.04.734A.760.2 "Valorización recursos nos concellos", dos orzamentos xerais da Comunidade Autónoma para os exercicios 2024 e 2025, e que se efectuará do seguinte xeito:

Anualidade 2024	50.000,00 €
Anualidade 2025	242.950,88 €

2.- No suposto de que se produzan variacións á alza no custo final das actuacións, calquera que sexa a causa, estas variacións serán asumidas integramente polo Concello de Valga, sen que en ningún caso a achega da CEI exceda da cantidade indicada.

3.- No suposto de que se produzan variacións á baixa no custo final das actuacións derivadas dos procedementos de licitación ou doutras causas, a achega da CEI non superará o oitenta por cento (80%) do custo final das actuacións.

Quinta.- Carácter da achega

De conformidade co disposto nos artigos 19.4 e 26 da Lei de 9/2007, do 13 de xuño, de subvencións de Galicia, a achega referida na cláusula anterior, constitúe unha subvención de concesión directa xustificada en razóns de interese público de conformidade co exposto na cláusula segunda do presente convenio.

Dado que a titularidade dos terreos sobre os que son precisas as actuacións materiais a realizar corresponde ao Concello de Valga, non é factible subvencionar a actuación a ningunha outra entidade pola que queda plenamente xustificada a concesión desta axuda a través do procedemento de concesión directa.

Sexta.- Obrigas específicas do Concello de Valga

1.- Ao Concello de Valga correspóndelle licitar, adxudicar e xestionar os contratos necesarios para a execución deste convenio, ata a terminación definitiva ou execución total das actuacións que constitúen o obxecto do convenio.

En consecuencia, o Concello de Valga realizará todas as actuacións necesarias para a execución obxecto deste convenio, incluíndo a tramitación dos procedementos de contratación e a licitación da redacción dos proxectos e documentos técnicos necesarios.

Para estes efectos, o Concello de Valga poderá subcontratar a totalidade das actuacións que constitúen o obxecto deste convenio actuando o concello como órgano de contratación, sen prexuízo do cumprimento do establecido no artigo 27 da Lei 9/2007, do 13 de xuño, de subvencións de Galicia, e de conformidade coa normativa reguladora da contratación do sector público.

Por outra banda, será responsabilidade exclusiva do Concello de Valga a obtención dos informes, autorizacións, concesións, licenzas ou permisos que deban ser emitidos ou outorgados por este concello e polas distintas administracións competentes para a execución das actuacións obxecto do presente convenio.

2.- A maiores, e sen prexuízo das demais obrigas especificadas nas cláusulas deste convenio así como das obrigas que resulten da lexislación orzamentaria, de réxime local e da restante normativa aplicable, o Concello de Valga comprométese a executar as actuacións referidas na cláusula primeira nos termos seguintes:

- a) Destinar os fondos que perciba ao obxecto concreto deste convenio, executar as actuacións obxecto deste convenio e cumprir todas as condicións e obrigas recollidas nel.
- b) Financiar con fondos propios ou outras axudas ou subvencións procedentes de calquera administración ou entes públicos ou privados nacionais ou internacionais, a contía restante que puidese resultar e da que non se contempla o seu financiamento por parte da CEI.

- c) Xustificar ante a Xunta de Galicia o cumprimento do convenio e a execución das actuacións que constitúen o obxecto deste así como o seu custo real, no tempo e na forma establecidas neste convenio.
- d) As restantes obrigas que resulten aplicables recollidas na Lei 9/2007, de 13 de xuño, de subvencións de Galicia, sen prexuízo das cláusulas deste convenio.

Sétima.- Obrigas previas á sinatura do convenio

1.- Con carácter previo á subscrición deste convenio, o Concello de Valga acreditará, ante a CEI, que se atopa ao corrente nas súas obrigas tributarias e coa Seguridade Social, e que non ten pendente de pagamento ningunha débeda, por ningún concepto, coa Administración Pública da Comunidade Autónoma de Galicia, tal e como se contempla no artigo 14.1 e) da Lei 38/2003, de 17 de novembro, Xeral de subvencións e no artigo 11.e) da Lei 9/2007, de 13 de xuño, de subvencións de Galicia. Esta acreditación poderá ser substituída pola autorización á CEI para solicitar as ditas certificacións de estar ao corrente ou ben por unha declaración responsable de quen ostente a representación da entidade local, consonte o artigo 11 do Decreto 11/2009, do 8 de xaneiro, polo que se aproba o Regulamento que desenvolve a Lei 9/2007, do 13 de xuño, de subvencións de Galicia.

2.- Tamén con carácter previo á sinatura do convenio, o concello deberá achegar unha declaración responsable de atoparse ao corrente no pagamento de obrigas por reintegro de subvencións nos termos do artigo 9 do Decreto 11/2009, do 8 de xaneiro, polo que se aproba o Regulamento que desenvolve a Lei 9/2007, do 13 de xuño, de subvencións de Galicia.

3.- Así mesmo, o Concello de Valga acreditará o cumprimento do deber de remisión ao Consello de Contas das contas xerais de cada exercicio, conforme o indicado no artigo 4 do Decreto 193/2011, do 6 de outubro, polo que se regulan especialidades nas subvencións ás entidades locais galegas.

4.- Xunto coa anterior documentación, o concello deberá achegar un certificado acreditativo da dispoñibilidade xurídica dos terreos nos que se realizarán as actuacións obxecto deste convenio.

Oitava.- Obtención doutras subvencións ou recursos

1.- O Concello de Valga comunicaralle á CEI a obtención de subvencións, axudas, ingresos ou recursos que financien as actuacións obxecto deste convenio así como a modificación das circunstancias que fundamentasen a subscrición do convenio e a concesión da achega económica. Esta comunicación deberá efectuarse no momento no que se coñeza o financiamento e, en todo caso, con anterioridade á xustificación da subvención. Toda alteración das condicións tidas en conta para a concesión da subvención e, en todo caso, a obtención concorrente de subvencións de entes públicos ou privados, nacionais ou internacionais poderá dar lugar á modificación do

convenio.

2.- O importe financiado en ningún caso poderá ser de tal contía que, illadamente ou en concorrencia con outras subvencións, axudas, ingresos ou recursos, supere o custo das actuacións desenvolvidas.

Novena.- Facultades de inspección e control

1.- Sen prexuízo do disposto no artigo 60.2 do Decreto 11/2009, do 8 de xaneiro, polo que se aproba o Regulamento que desenvolve a Lei 9/2007, do 13 de xuño, de subvencións de Galicia, a CEI poderá levar a cabo as actividades de inspección e comprobación que considere oportunas para controlar o cumprimento do obxecto e das obrigas deste convenio.

2.- Alén do anterior, as subvencións estarán sometidas á función interventora e de control financeiro exercida pola Intervención Xeral da Comunidade Autónoma, nos termos que establece o título III da Lei 9/2007, do 13 de xuño de subvencións de Galicia. Así mesmo, a entidade beneficiaria estará sometida ás actuacións de comprobación previstas na lexislación do Tribunal de Contas e do Consello de Contas. Para estes efectos, o Concello de Valga deberá prestar a súa colaboración e facilitar toda a información que lle sexa requirida pola Intervención Xeral da Comunidade Autónoma, o Tribunal de Contas e o Consello de Contas, no exercicio das súas funcións.

Décima.- Transparencia e publicidade da colaboración

1.- As partes asinantes deste convenio consenten expresamente o tratamento dos datos relevantes deste convenio, incluídos os datos de carácter persoal, e a súa publicación no *Diario Oficial de Galicia* e/ou na páxina web da CEI, de acordo co establecido na normativa reguladora das subvencións e na normativa sobre transparencia e goberno aberto, coas excepcións previstas no artigo 15.2º d) da Lei 9/2007, do 13 de xuño, de subvencións de Galicia así como, no seu caso, na Base de Datos Nacional de Subvencións, que opera como sistema nacional de publicidade de subvencións.

2.- Do mesmo xeito, de acordo co establecido na disposición adicional primeira do Decreto 132/2006, do 27 de xullo, polo que se regulan os rexistros públicos de axudas, subvencións e convenios e de sancións da Xunta de Galicia, as partes asinantes deste convenio consenten expresamente a inclusión e publicidade dos datos relevantes nos rexistros públicos que proceda.

3.- No lugar de execución das actuacións así como en todas as actuacións divulgativas das mesmas farase constar, nun lugar destacado, a colaboración da CEI e utilizaranse, cando proceda, a imaxe corporativa institucional da Xunta de Galicia. No lugar de execución das actuacións, as medidas de publicidade do financiamento recibido consistirán, como mínimo, nun cartel explicativo permanente nunha localización facilmente visible.

Undécima.- Relación laboral coa Consellería de Economía e Industria

A subscrición deste convenio non leva consigo relación laboral, contractual ou de calquera outro tipo entre os profesionais que vaian desenvolver as actividades ou executar ou dirixir as obras ou actuacións obxecto deste convenio e a Xunta de Galicia, de maneira que non se lle poderá esixir responsabilidade ningunha, nin directa nin subsidiaria, polos actos ou feitos acaecidos no desenvolvemento do mesmo.

Décimo segunda.- Conta xustificativa

1.- A CEI transferirá os fondos ao concello do seguinte xeito:

- a) 50.000 € correspondentes á anualidade 2024, logo de que o concello teña achegado a documentación xustificativa que acredite o investimento por este importe. O dito período abranguerá os gastos que se produzan dende a sinatura deste convenio ata o 16 de decembro de 2024.
- b) O importe restante, ata un máximo de 242.950,88 €, correspondente á anualidade 2025, cando se teña executada a totalidade das actuacións obxecto do convenio e logo de que o concello teña presentado a documentación xustificativa que así o acredite. O antedito período incluírá os gastos efectuados dende o 17 de decembro de 2024 ata o remate das actuacións obxecto do convenio, e en todo caso ata o 28 de novembro de 2025.

En todo caso os pagos efectuaranse unha vez examinada e conformada a xustificación presentada polo concello.

2.- De acordo co artigo 28.5 da Lei 9/2007, do 13 de xuño e co artigo 8 do Decreto 193/2011, do 6 de outubro, o concello estará obrigado a xustificar o cumprimento da finalidade da subvención e o seu custo real mediante a presentación da conta xustificativa correspondente a cada un dos períodos sinalados no apartado anterior; e que estará integrada, con carácter xeral, pola seguinte documentación:

- a) Memoria xustificativa das actuacións desenvolvidas durante o período correspondente, asinada por técnico competente, na que se especificarán en detalle as actividades realizadas e á cal se acompañará un exemplar do proxecto de execución material.
- b) Certificación detallada dos gastos expedida pola Intervención municipal na que se faga constar a toma de razón en contabilidade dos gastos realizados e o cumprimento da finalidade para a cal foi concedida a achega, con especificación dos conceptos e importes executados nese período e das correspondentes facturas con identificación do/a acredor/a, número de factura e data de emisión así como as datas de recoñecemento da obriga e de pagamento.

- c) Certificación expedida polo secretario/a do concello, co visto e prace do alcalde, relativa a:
- O cumprimento da finalidade e do obxecto do convenio.
 - Relación de procedementos de contratación levados a cabo para a execución das actuacións obxecto deste convenio, identificación dos contratos asinados e dos seus principais datos incluíndo o importe das adxudicacións, e acreditación de que na tramitación, contratación e execución das obras e demais actuacións cumpriuse a normativa en materia de contratación do Sector Público así como a normativa específica de aplicación no ámbito local, detallando a efectiva achega de tres orzamentos nos supostos nos que proceda en aplicación do artigo 29.3 da Lei de subvencións de Galicia.
 - A aprobación polo órgano competente da conta xustificativa da subvención do período correspondente.
- d) Declaración responsable asinada pola persoa representante da entidade local referida á obtención doutras subvencións, axudas o recursos que financien as mesmas actividades obxecto do convenio, acreditando o importe, procedencia e aplicación de tales fondos.
- e) Declaración responsable asinada pola persoa representante da entidade local consonte o Concello non é debedor por resolución de procedemento de reintegro de subvencións públicas.
- f) Acreditación de que o Concello de Valga se atopa ao corrente das súas obrigas tributarias e fronte á Seguridade Social e que non ten pendente de pagamento ningunha outra débeda coa administración pública da Comunidade Autónoma mediante certificacións, autorización á CEI para solicitar as ditas certificacións de estar ao corrente ou declaración responsable de quen ostente a representación da entidade local, consonte o artigo 11 do Decreto 11/2009, do 8 de xaneiro, polo que se aproba o Regulamento que desenvolve a Lei 9/2007, do 13 de xuño, de subvencións de Galicia.

O prazo para presentar a xustificación do convenio finalizará o 18 de decembro de 2024 para a primeira anualidade e o 2 de decembro de 2025 no caso da segunda anualidade.

3.- Consideraranse subvencionables os gastos que respondan de xeito indubidable á natureza da actuación subvencionada. Considerarase gasto realizado, de acordo co artigo 29.2 da Lei de subvencións de Galicia, o que foi efectivamente pagado con anterioridade á finalización dos períodos de xustificación sinalados no parágrafo anterior.

4.- En aplicación do disposto no artigo 65.4 c) do Decreto 11/2009 do 8 de xaneiro, o Concello de Valga queda exonerado do deber de constituír a garantía para asegurar o cumprimento dos compromisos asumidos na súa condición de beneficiario.

Décimo terceira.- Perda do dereito ao cobramento

Producirase a perda do dereito do Concello de Valga ao cobramento total ou parcial da subvención no suposto de falta de xustificación ou no suposto de concorrencia dalgunha das causas previstas no artigo 33 da Lei de subvencións de Galicia que resulten aplicables.

Décimo cuarta.- Reintegros

Procederá o reintegro parcial ou total das cantidades percibidas xunto cos xuros de demora correspondentes, de conformidade co procedemento establecido no artigo 38 da Lei de subvencións de Galicia, nos supostos establecidos no artigo 33 da Lei 9/2007, do 13 de xuño de subvencións de Galicia que resulten aplicables e, ademais, nos seguintes supostos:

- a) Exceso de financiamento da CEI en execución deste convenio, procedendo o reintegro polo importe pagado que supere o custo das actuacións desenvolvidas.
- b) Incumprimento das obrigas do Concello de Valga recollidas ao longo deste convenio, cando así se estableza.

Décimo quinta.- Comisión de seguimento

1.- Para facilitar a coordinación entre as partes asinantes e o seguimento da execución do obxecto do convenio e do cumprimento das súas cláusulas, constituirase unha comisión de seguimento integrada por:

- Dous representantes do Concello de Valga
- Dous representantes da Dirección Xeral de Planificación Enerxética e Minas

A comisión rexerase polo establecido na Lei 40/2015, do 1 de outubro, de Réxime xurídico do Sector Público.

2.- As funcións da comisión serán:

- Facilitar a coordinación entre as partes asinantes
- Seguimento da execución do obxecto do convenio e do cumprimento das súas cláusulas
- Interpretación do convenio e resolución de dúbidas
- Proposta, de ser o caso, de addendas
- Calquera outras relacionadas co desenvolvemento e bo fin deste convenio

Décimo sexta.- Extinción do convenio e causas de resolución

1.- Este convenio extingúese polo cumprimento total das actuacións que constitúen o seu obxecto ou por incorrer en causa de resolución.

2.- Son causas de resolución deste convenio:

- a) O incumprimento total ou parcial do obxecto do convenio así como o incumprimento de calquera das cláusulas e obrigas establecidas nel.
- b) O acordo unánime das partes asinantes
- c) A decisión xudicial declaratoria da nulidade do convenio
- d) Calquera outra causa prevista nas leis

De resolverse o convenio, a CEI poderá esixir o reintegro das cantidades achegadas, de ser o caso.

Décimo sétima.- Vixencia do convenio

1.- Este convenio entrará en vigor o día da súa sinatura e estenderá a súa vixencia ata o 31 de decembro de 2025.

2.- Este convenio é susceptible de prórroga sempre que, antes da finalización do prazo previsto no parágrafo anterior, as partes asinantes tramiten e subscriban a correspondente addenda.

Décimo oitava.- Natureza xurídica e réxime xurídico

1.- Este convenio ten natureza administrativa de conformidade coa Lei 40/2015, do 1 de outubro, de réxime xurídico do Sector Público e queda excluído do ámbito de aplicación da Lei 9/2017, do 8 de novembro, de contratos do Sector Público, pola que se traspoñen ao ordenamento xurídico español as Directivas do Parlamento Europeo e do Consello 2014/23/UE e 2014/24/UE, do 26 de febreiro de 2014, en virtude do establecido nos seus artigos 4 e 6, sen prexuízo da aplicación dos principios do devandito texto legal para resolver as dúbidas e lagoas que puideran presentarse.

2.- Este convenio rexerase polas súas propias cláusulas e está suxeito ao disposto no Acordo da Xunta de Galicia, do 27 de marzo de 1991, sobre convenios de cooperación con outros entes públicos e de colaboración con particulares publicado mediante a resolución da Consellería de Economía e Facenda do 8 de abril de 1991 (DOG nº 82, do 30 de abril), así como ao disposto na Lei 1/2016, do 18 de xaneiro, de transparencia e bo goberno e na Lei 40/2015, do 1 de outubro, de réxime xurídico do Sector Público.

3.- En todo o non previsto expresamente neste convenio, o réxime da subvención que a través del se instrumenta será o establecido nos preceptos básicos da Lei 38/2003, do 21 de xullo, e do Real Decreto 887/2006, de 21 de xullo, polo que se aproba o Regulamento que a desenvolve; na Lei 9/2007, do 13 de xuño, de subvencións de Galicia e no Decreto 11/2009, do 8 de xaneiro, polo que se aproba o Regulamento

autonómico que desenvolve a Lei 9/2007, do 13 de xuño, de subvencións de Galicia e nas demais normas de dereito administrativo.

4.- As discrepancias que xurdan pola aplicación deste convenio serán resoltas, logo do informe ou proposta da comisión de seguimento, pola CEI quedando as partes suxeitas á xurisdición contencioso-administrativa para a resolución de calquera conflito que puidese xurdir na súa aplicación.

Lido este documento e en proba de conformidade, asínase polas partes na data indicada na sinatura dixital deste documento.

A conselleira de Economía e Industria

O alcalde do Concello de Valga

María Jesús Lorenzana Somoza

José María Bello Maneiro